

खबरां शिवि सूरी कोला

- भारत नै स्ट्रेट आफ होमुर्ज च 30 भारती नाविकें गी लेइयै जा'रदे ज्हाजें पर होए दे हमले दी कड़ी निंदेआ कीती ते आखेआ जे हिंसा अंतरराष्ट्री जलमार्गे च स्वतंत्र ते सुरक्षित नौवहन गी बाधित करा'रदा ऐ।
- भारत नै संयुक्त राष्ट्र दी सदस्यता लेई फिलीस्तीन दे दावें दा समर्थन कीता ऐ। फिलीस्तीन ते इजराइल बश्कार संघर्ष दे दो राज्य समाधान दी पुष्टि कीतीं
- भारत ते ब्रिटेन बश्कार व्यापक आर्थिक ते बपार समझौता कल्लै थमां लागू होगा।
- भारत दा सबनें शा बड्डा वैश्विक वस्त्र सम्मेलन भारत टैक्स-2026 नमीं दिल्ली च शुरू होई गेआ ऐ जेड़ा वस्त्र क्षेत्र च देश दे बददे नेतृत्व गी प्रदर्शित करोग।
- भारती मौसम विभाग नै अज्ज बिहार ते ओडिशा च भी थमां भारी बरखा दी मेद बुज्झी।
- ते फीफा विश्व कप दे पैहले सेमीफाइनल च अज्ज राती टैक्सास च फ्रांस दा मुकाबला स्पेन कन्नै होग।

<><><><><><>

India-condemn Harmuz Attack

भारत नै होमुर्ज जलडमरूमध्य च 30 भारती नाविकें गी लेइयै जा'रदे दऊं ज्हाजें पर कीते गेदे हमलें दी जबरदस्त निंदेआ कीती ऐ। विदेश मंत्रालय नै अज्ज बड्डलै नमीं दिल्ली स्थित ईरान दूतावास दे उपमिशन प्रमुख गी तलब कीता ते इनें हमलें खलाफ सख्त ऐतराज ते रौह रोस्सा प्रगट कीता। विदेश मंत्रालय नै आखेआ ऐ कि एम.टी अल बाहिया पर सोआर 12 भारती नागरिकें चा इक दी मौत होई गेई ऐ ते इक दे घायल होने दी खबर ऐ। तोआई, एम.टी मोबासा पर सोआर 18एं भारती नागरिकें

चा 9 घायल होए दे न जिंदे चा 2ऊं दी हालत चिंता आहली दस्सी जा'रदी ऐ। मंत्रालय नै मारे गेदे आदमी दे परोआर आहलें कन्नै दुख ते हमदर्दी प्रगट कीती ऐ ते घायलें दे तौले नरोए होने दी कामना कीती ऐ। संयुक्त अरब अमीरात च भारती मिशन ते दूतावास, हालात पर नेडमी तक्क रक्खा करदे न ते प्रभावित भारतीयें गी हर मुमकिन मदद जकीनी बनाने लेई अधिकारिएं दे संपर्क च न।

<><><><><><>

India-Support Philipine

भारत नै संयुक्त राष्ट्र दी मिम्बरी लेई फिलीस्तीन दे दावे दा समर्थन कीता ऐ ते फिलीस्तीन ते इजराइल बश्कार जारी संघर्ष गी खत्म करने लेई द'ऊं मुलखें आहले हल गितै अपना समर्थन फही पक्का कीता ऐ। विदेश मंत्रालय च सचिव श्री प्रिया रंगनाथन होरें आखेआ ऐ कि भारत फिलीस्तीनी लोकें दा लम्में असें थमां समर्थक ते सहयोगी रेहा ऐ। उनें कल ब्रेसल्स च फिलीस्तीन डोनर ग्रुप दी दुई मंत्री स्तरै दी बैठक गी संबोधित करदे होई एहू गल्ल आक्खी। उनें फिलीस्तीन दे लोकें लेई भारत दी तरफा दित्ती जा'रदी विकास सरबन्धी मदद पर बी जोर दित्ता। सुश्री रंगनाथन होरें दस्सेआ ऐ कि भारत दियां परियोजनां जरूरतें पर आधारित न ते मुख्य रूप च सेहतसेवा, शिक्षा, छमता निर्माण ते बवसायिक सिखलाई देने पर केंद्रित न। उनें इत्त सरबन्धि केई नमिएं परियोजनाएं दी घोशणा बी कीती।

<><><><><><>

US Attack on Iran

अमरीका नै अज्ज उप्परोतली त्री रात बी ईरान पर ब्हाई हमले कीते न जेह्दे नै दौनें मुलखें बश्कार तनोतनी आहली स्थिति होर चिंताजनक बनी गेदी ऐ। एह्दे शा पैहले कल अमरीकी राष्ट्रपति डानल्ड ट्रम्प होरें घोशणा कीती ही कि अमरीका होमुर्ज जलडमरूमध्य च ईरानी ज्हाजें पर परतियै नाकेबंदी लागू करग ते समुंद्री सुरक्षा दी लागत गी पूरा करने लेई इस महत्वपूर्ण रस्ते थमां लंगघने आहले माल

पर 20 प्रतिशत टैक्स लाग। इक सोशल मीडिया पोस्ट च राष्ट्रपति ट्रम्प होरें आखेआ ऐ कि नाकेबंदी छड़ी ईरानी जहाजें ते ईरान कन्नै बपार करने आहले जहाजें पर लागू होग। दोआई दुई बक्खी ईरान नै होमुर्ज जलडमरूमध्य पर अपने अधिकार दा दावा कीता ऐ ते अमरीका दे दावे गी सिरे थमां खारज करी दित्ता ऐ। ईरान दे केंद्री मुख्यालय दे प्रवक्ता ब्रिगेडियर जनरल अब्राहिम जोलफाघरी होरें आखेआ ऐ कि ईरान कुसै बी हालत च अमरीका गी होमुर्ज दे प्रबंधन च दखलंदाजी करने दी इजाजत नई देग।

<><><><><><>

CETA

भारत ते ब्रिटेन बश्कार व्यापक आर्थिक ते बपार समझौता कल थमां लागू होई जाह्ग। इस ऐतिहासिक समझौते तैहत भारती नियरत गी ब्रिटेन दे बजार च 99 फीसद उत्पादें पर सिफर शुल्क दी सुविधा थहोग। एह समझौता भारत ते ब्रिटेन दी रणनीतिक सांझेदारी गी मजबूत करने ते अपने लोकें लेई समृद्धि लेई ओने दी सांझा प्रतिबद्धता गी दर्शांदा ऐ। इस ऐतिहासिक समझौते दी नींह मई 2021 च उन्नत बपार सांझेदारी ते भारत-ब्रिटेन रोडमैप 2030 गी अपनाने गितै रक्खी गई ही। इस च 2030 धोड़ी बपार गी दोगुणा करदे होइ, 100 अरब अमरीकी डालर धोड़ी पुज्जने दा लक्ष्य रक्खेआ गेआ ऐ।

<><><><><><>

Bharat Tax-2026

भारत दा सबनें शा बड्डा वैश्विक वस्त्र कार्यक्रम भारत टैक्स 2026 अज्ज नमीं दिल्ली च भारत मंडपम च शुरू होआ। केंद्री कपड़ा मंत्री गिरीराज सिंह होरें अज्ज इस कार्यक्रम दा उद्घाटन कीता। संवाददाताएं कन्नै गल्ल करदे होइ, श्री सिंह होरें आखेआ जे भारत टेक्स प्रधानमंत्री हुंदा दृष्टिकोण ऐ। उनें आखेआ जे एह हुन इक अंतरराष्ट्री आयोजन बनी चुके दा ऐ ते हर बरे इस च प्रदर्शकें, खरीददारें, विक्रेताएं ते औने आलें दी गिनतरी च बाद्दा होआ ऐ। उनें दस्सेआ जे इस बरे इस कार्यक्रम च 130 देशें दे 60 जहार शा मते खरीदार ते प्रदर्शक हिस्सा लै करदे ना। श्री सिंह होरें आखेआ जे सूक्ष्म लघु ते

मध्यम उद्यमी बी भारत टैक्स च शामिल होआ रहे न। उनें आखेआ जे बक्ख-बक्ख देशें कन्नै कीते गेदे मुक्त बपार समझौते बी कपड़ा क्षेत्र गी लाहू पुजा'रदे न।

<><><><><><>

Rail Bhoomi

रेल मंत्री अश्विनी वैश्वणव होरें आखेआ जे भूमि अधिगृहण दी पूरी प्रक्रिया दे प्रबंधन लेई रेल भूमि पोर्टल लांच कीता जाहगा। भारती रेलवे गी आधुनिक बनाने दे मकसद लेई कीते गेदे सुधारें पर नमीं दिल्ली च संवाददाताएं गी जानकारी दिंदे होई श्री वैश्वणव होरें आखेआ जे उंदे मंत्रालय नै निर्माण क्षेत्र सने केई सुधार कीते न। उनें आखेआ जे हुन कंटेनरें च उर्वरकें दा परिवहन कीता जाई सकदा ऐ। श्री वैश्वणव होरें आखेआ जे बिजली संयंत्रें च पैदा होने आहली फ्लाई ऐश गी हुन कंटेनरें च भेजेजा जाहगा तां जे एहदी बारीक धूड पर्यावरण गी प्रदूषित नेई करी सकें

<><><><><><>

BJP-Accuses Cong. AAP

भारती जनता पार्टी नै आम आदमी पार्टी ते कांग्रेस पर बरे 2020 च उत्तर पूर्वी दिल्ली दंगें दरान खुफिया विभाग दे अधिकारी अंकित शर्मा हुंदी हत्या दे दोषियें दा समर्थन करने दा आरोप लाया ऐ। नमीं दिल्ली च संवाददाताएं गी संबोधित करदे होई बीजेपी दे राश्ट्री प्रवक्ता गौरव भाटिया होरें दिल्ली दी इक अदालत आसेआ आम आदमी पार्टी दे पूर्व पार्षद ताहिर हुसैन ते 4 होरनें लोकें गी अंकित शर्मा दी हत्या दा दोषी ठहराये जाने दे फैसले दा सोआगत कीता ऐ। श्री भाटिया होरें पार्टी दे राश्ट्री संयोजक अरविंद केजरीवाल पर वोट बैंक दी राजनीतिक लेई हुसैन दा बचाव करने दा आरोप लाया।

<><><><><><>

IMD

भारती मौसम विभाग नै अज्ज बिहार ते ओडिशा च भारी थमां मती भी बरखा दी मेद बुज्झी ऐ। मौसम विभाग नै इये नेय हालात पूर्वोत्तर भारत, छत्तीसगढ़, झारखंड ते पच्छिम बंगाल ते सिक्किम दे किश हिस्सें च बी दिनें दरान तेज बरखा होई सकदी ऐ। मौसम विभाग दे मताबक अज्ज अंडमान ते निकोबार द्वीप समूह ते आंध्र प्रदेश च बी बरखा दी पेशनगोई कीती गेदी ऐ। इस म्हीने दी 19 तरीक तगर हरियाणा-चंडीगढ़, दिल्ली पंजाब ते पच्छिम उत्तर प्रदेश च हल्की थमां मध्यम दर्जे दी बरखा दी मेद ऐ।

<><><><><><>

Amarnath Review

DG CISF ते DG रेलवे Protection फोर्स नै श्री अमरनाथ यात्रा 2026 दे सुरक्षा इंतजामें दा जायजा लैता। C.I.S.F. दे D.G.P. रंजन ते RPG दियां DG सोनाली मिश्रा होरें रेलवे ट्रैक्स ते महत्वै आहले सारे स्टेशनें दा जायजा लैता। अपने दौरे दौरान अफसरें गी बले दी तैनानी, बहु-स्तरीय सुरक्षा, इंतजामें, कुसै बी आपात स्थिति कन्नै निबड़ने आस्तै वैकल्पिक योजना ते बक्ख-बक्ख एजेंसियें बश्कार तालमेल बारे जानकारी दिती गेई।

<><><><><><>

Drone-Recovered

जम्मू-कश्मीर दे साम्बा जिले दे चक सलारिया इलाके च देवक नदी कश इक खेत्तरै च इक ड्रोन बरामद कीता गेआ ऐ। एहू ड्रोन बडुलै 10 मिनट घट्ट 6 पर इक मकामी बसनीक गी लब्बा जिसलै ओहू बडडलै सैर करने जा'रदा हा ते उन्नै तुरत इस बारै सूचना नेडे दी सेना युनट गी दिती। भारती सेना नै ड्रोन गी अपने कब्जे च लेई लैता ऐ ते इसी फोरेंसिक जांच लेई भेजी दित्ता गेआ ऐ जेह्दे नै एहू पता लग्गग जे इसी कीहू, कुदरा ते कुन्नै भेजे दा ऐ। सुरक्षा बलें इस बरामदगी दे बाद इलाके च व्यापक तुपाई अभियान बी चलाया ऐ।

<><><><><><>

NIA-Warrant

जम्मू-कश्मीर च राश्ट्री जांच एजेंसी एनआईए दी इक विशेष अदालतै पाकिस्तान आधारित आतंकी संगठन लश्करे-तोंयबा दे मुखिया हाजिफ सईद खलाफ गैर जमानती वरंट जारी कीता ऐ। एह कार्रवाई पिछले बरे होए दे पेहलगाम आतंकी हमले सरबन्धी मामले, जेहदे च 26 लोक मारे गे हे, दे सिलसिले च कीती गई ऐ। आकाशवाणी दे जम्मू संवाददाता नै जानकारी दिती ऐ जे इस बारै हुक्म एनआईए अदालतै दे विशेष जज नै 8 जुलाई गी जारी कीता हा। वरंट जारी होने कोला 2 रोज पैहले 6 जुलाई गी एनआईए नै अदालतै च इक पूरक चार्जशीट दाखल कीती ही जेदे च हाफिज सईद गी इस हमले दा मुख्क साजशकर्ता दस्सेआ गेआ हा। चार्जशीट च उसी व्यक्तिगत तौर पर लश्करे तैयबा ते एहदी परोख शाख टी.आर.एफ दे अध्यक्ष ते संस्थापक दे रूपै च बी आरोपी बनाया गेदा ऐ।

<><><><><><>

FIFA-WC

फीफा फुटबाल विश्व कप च अज्ज रातीं टेक्सास के डलास स्टेडियम च पैहला सेमीफाइनल फ्रांस ते स्पेन बश्कार खेड्ढेआ जाहंगं एह मैच भारती समयानुसार रातीं साड्डे 12 बजे शुरू होग। फ्रांस लगातार त्री बार फाइनल च थाहर पक्की करने दी कोश्ट करोग। स्पेन 2010 च विश्व कप जित्ते दे बाद इस बारी विश्व कप फाइनल च पुज्जने दी कोश्ट करग।

<><><><><><>